

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Kantonalna uprava civilne zaštite
Broj: 18/03.3-44-995/11
Tuzla, 21.11.2011. godine

I n f o r m a c i j a **o pripremljenosti za zimsko održavanje puteva** **na području TK, u sezoni 2011/2012. godina**

1. Uvod

U skladu sa svojim nadležnostima u oblasti zaštite i spašavanja ljudi i materijalnih dobara od prirodnih i drugih nesreća, Kantonalna uprava civilne zaštite (KUCZ) je, na osnovu Informacija o pripremljenosti za zimsko održavanje puteva, u sezoni 2011/2012., dobijenih od Općinskih službi civilne zaštite (OSCZ), Direkcije cesta Tuzla i JP Direkcija cesta Federacije BiH, Sarajevo, sačinila zbirnu Informaciju o pripremljenosti za zimsko održavanje puteva, u sezoni 2011./2012., za područje Tuzlanskog kantona (TK).

2. Gradske ulice i lokalni putevi

Općina Banovići

Općinsko vijeće Banovići je na sjednici od 28.04.2006. godine, donijelo Odluku o povjeravanju obavljanja komunalnih djelatnosti, na području općine Banovići, "JP „Komunalac, Banovići" (broj:12/01-02-109/06). Reorganizacijom istog preduzeća od 26.10.2010. godine, pravni nasljednik je JP“Komunalno“ Banovići, kojem su pored ostalih povjereni i poslovi uklanjanja snijega i leda sa javnih površina, puteva, trotoara, stepeništa, prilaza, parkinga i drugih javnih površina, u sezoni 2011./2012. godina (od 15.11.2011. do 15.03.2012. godine).

Općinska služba za prostorno uređenje i stambeno-komunalne poslove, sačinila je Operativni Program održavanja cesta i objekata u zimskim uslovima, na području općine Banovići, za 2011./2012. godinu, koji je razmatran i usvojen na sjednici Općinskog vijeća održanoj 29.09.2011. godine, a isti je objavljen u Službenom glasniku općine br. 9., od 07.10.2011. godine.

JP „Komunalno“ Banovići ima na raspolaganju neophodnu mehanizaciju, opremu, ljudstvo i posipni materijal za zimsko održavanje puteva, u skladu sa odredbama Pravilnika o saobraćaju u zimskim uslovima u Federaciji BiH.

U Operativnom Programu održavanja lokalnih puteva u zimskom periodu definisani su:

- **Pripremni radovi u obavezi općine i u obavezi izvođača radova.**
- **Četiri stepena pripravnosti.**

Prvi stepen pripravnosti uvodi se početkom rada zimske službe, a podrazumijeva uvođenje dežurstva na mjestu pripravnosti, te se uspostavlja i osigurava stalna veza između Naručioaca radova i Izvođača radova, odnosno tijela koje vrši nadzor i kontrolu radova.

U **drugom stepenu pripravnosti** (slabije sniježne padavine i pojava poledice) definisana su 3 stepena prioriteta održavanja puteva.

U **prvi prioritet** ulaze ceste sa javnim linijskim saobraćajem: 15 saobraćajnica (ukupna dužina- 63,02 km) i sve gradske ulice.

U **drugi prioritet** ulaze ostale lokalne cestu u nadležnosti općine (ukupna dužina-112,96 km).

Ukupna dužina puteva (1. i 2. prioritet-175,98 km, i to asfaltirani putevi-84,31 km i makadam- 91,67 km).

U **treći prioritet** spada održavanje mezarja-grobalja, prilaza drugim objektima javnog karaktera i slično.

Treći stepen pripravnosti uvodi se kada se očekuju dugotrajne snježne padavine.

Četvrti stepen pripravnosti uvodi se kada je, na području općine, proglašeno stanje prirodne nesreće uslijed snježnih padavina.

Nadzor i kontrolu izvođenja radova na zimskom održavanju puteva, po dinamici i kvalitetu izvedenih radova, vršit će Općinska služba za prostorno uređenje i stambeno-komunalne poslove.

OSCZ će na odgovarajući način informisati stanovništvo i druge subjekte, preko sredstava informisanja o potrebi ispunjavanja zakonske obaveze uklanjanja snijega sa trotoara i prilaza važnijim objektima.

Općina Čelić

U toku je postupak izbora najpovoljnijeg ponuđača između firmi prijavljenih na raspisani tender, za zimsko održavanje lokalnih i drugih nekategorisanih puteva (asfaltiranih i makadamskih), koji su u nadležnosti općine, za sezonu 2011./2012. godine.

Planom održavanja lokalnih i drugih nekategorisanih puteva, predviđeno je zimsko održavanje 15 dionica lokalnih puteva (asfaltiranih-45.75 km i makadamskih 16.37 km), a nadzor nad pomenutim radovima obavljat će Općinska služba civilne zaštite.

OSCZ je izvršila sve neophodne pripreme struktura civilne zaštite i građana u MZ, za angažovanje ljudi i mehanizacije, u slučaju obilnijih snježnih padavina, kada redovne snage ne bi bile dovoljne za održavanje normalne prohodnosti lokalnih puteva.

Poslove zimskog održavanje regionalnih putnih pravaca, na području općine Čelić, vršit će se pod nadzorom Kantonalne direkcije za ceste.

Općina Doboj Istok

Općinska služba za prostorno uređenje i urbanizam, donijela je Odluku održavanje lokalnih puteva i ulica, za zimski period 2011/2012. godina, na području općine Doboj Istok, kao i odgovarajući Plan zimskog održavanja lokalnih puteva u nadležnosti općine.

Odlukom o održavanja lokalne i druge putne mreže, za sezonu 2011./2012. godina, obuhvaćeno je ukupno 19 lokalnih i drugih nekategorisanih puteva (asfaltni i makadamski), u 5 MZ, ukupne dužine 23.3 km, koje vode do naseljenih dijelova općine kao i prilaza javnim ustanovama i mezarjima.

Predviđa se da lokalne i druge nekategorisane puteve koji su specificirani u navedenoj Odluci, održava i u sezoni 2011/2012. godina, JKP „Čisto“, Doboj Istok.

Firma KP „Čisto“, Doboj Istok raspolaže sa neophodnom mehanizacijom (jedno specijalno vozilo sa nožem za razgrtanje snijega tipa «Kovina», jedno specijalno vozilo sa hidrauličkom pločom (autopodizač) tipa «Unimag» i vučni posipač soli tipa «Kovina»), radnom snagom, pogonskim gorivom i posipnim materijalom.

Nadležna općinska služba za prostorno uređenje i urbanizam i Općinska služba civilne zaštite, vršit će i kontrolu i nadzor nad sprovođenjem poslova na zimskom održavanju puteva i ulica u naseljenim mjestima, kao i kontrolu troškova zimskog održavanja

OSCZ će preko sredstava javnog informisanja apelirati na građane i pravne subjekte o potrebi ispunjavanja zakonske obaveze uklanjanja snijega i leda sa trotoara i prilaza stambenim i važnijim javnim objektima.

Općina Gračanica

Programom zimskog održavanja puteva i gradskih ulica, za sezonu 2011./2012. godina, predviđeno je čišćenje snježnog pokrivača, u periodu od 15.11.2011. do 15.03.2012. godine.

Zimsko održavanje gradskih saobraćajnica za sezonu 2011./2012. godina, obavljat će firma J.P.“Komus“ d.o.o. Gračanica, sa kojom će u najskorije vrijeme Općina potpisati ugovor o obavljanju navedenih poslova.

Predviđeno je čišćenje snijega sa 61 ulice (kamion sa solarom), ukupne dužine 33,44 km i razgrtanje snijega sa 66 ulica (traktor sa razgrtačem i solarom), ukupne dužine 29,97 km.

Ručno čišćenje snijega vršit će se sa: trotoara, mostova, stepeništa, prolaza, pored Bijele džamije, u ulici Džemala Bijedića, Pekarski prolaz Gradašćevićeva ulica, Kapetanuša i po potrebi druge lokacije.

Prioriteti za čišćenje: Centar grada, Dom zdravlja, Vatrogasni dom, zgrada Općine, sva obdaništa i sva groblja i mezarja.

Lokalne i nekategorisane puteve na području općine Gračanica, održavat će mjesne zajednice tako što će vijeća mjesnih zajednica putem oglasa odabrati fizičko lice sa mašinom (traktor sa plugom ili druga građevinska mašina), koje je u mogućnosti čistiti puteve i sa njim sklopiti ugovor. Većina mjesnih zajednica je raspisala oglas za odabir lica za zimsko održavanje puteva. U uslovima kada vremenske prilike, odnosno intenzitet snježnih padavina, prevazilazi mogućnosti subjekata koji su zaduženi za zimsko održavanje puteva, pristupa se primjeni odredaba Plana zaštite i spašavanja u uslovima prirodne nepogode uslijed snježnih padavina.

Preko sredstava javnog informisanja OSCZ će redovno upućivati apele građanima i drugim subjektima o potrebi ispunjavanja zakonske obaveze uklanjanja snijega i leda sa trotoara i prilaza važnijim javnim i drugim objektima.

Općina Gradačac

Nadležna općinska Služba za privredu, budžet i finansije, uradila je Program i Plan zimskog održavanja lokalnih puteva i nekategorisanih puteva, u nadležnosti općine Gradačac, za sezonu 2011./2012. godina, koji je usvojen od strane Općinskog vijeća.

Raspisan je tender za održavanje prohodnosti lokalnih puteva i ulica, u zimskom periodu 2011./2012., na području općine Gradačac, i to:

- Za održavanje prohodnosti pješačkih staza/trotoara u zimskom periodu,
- Za održavanje prohodnosti gradskih ulica,
- Za održavanje prohodnosti lokalnih puteva i
- Za održavanje prohodnosti nekategorisanih puteva.

Za izvođenje svih navedenih radova izabrana je firma DOO“Balegam“ Gradačac, koja raspolaže sa odgovarajućom mehanizacijom za zimsko održavanje saobraćajnica i stručno osposobljenim ljudstvom za ove poslove i koja je za početak radova osigurala 100 tona soli i 500 tona kamenog agregata 4-8 mm.

Najveći prioritet u zimskom održavanju imaju gradske ulice, zatim lokalni putevi koji povezuju grad i mjesne zajednice, kojim saobraćaju autobusi, a potom nekategorisani putevi.

Nadzor nad izvođenjem radova održavanja ulica, lokalnih puteva i nekategorisanih puteva u zimskom periodu, vršit će općinska Služba za privredu, budžet i finansije.

OSCZ Gradačac je pripremila saopštenje koje će biti emitovano preko lokalnih sredstava informisanja, u kome će biti skrenuta pažnja građanima i svim pravnim subjektima o potrebi ispunjavanja zakonske obaveze uklanjanja snijega sa trotoara i prilaza stambenim i poslovnim objektima i drugim važnijim javnim objektima, na području općine.

U slučaju obilnijih snježnih padavina, koje značajno ugrožavaju odvijanje saobraćaja, bit će angažovane sve raspoložive materijalne i ljudske snage na čišćenju snijega i leda sa puteva.

Općina Kalesija

Programom zimskog održavanja lokalnih i drugih nekategorisanih puteva, na području općine, za sezonu 2011./2012. godina, predviđeno je da čišćenje snijega sa puteva, koji su u nadležnosti općine, vodeći računa o stanju lokalne putne mreže, konfiguracije terena, te važnosti putnih pravaca koji povezuju centar općine sa centrima mjesnih zajednica, vrši Općinska služba civilne zaštite (OSCZ) i JP "Komunalac" Kalesija.

OSCZ vršit će čišćenje snijega sa kolovoza po prioritetima koje je utvrdilo i donijelo Općinsko vijeće, na sjednici održanoj dana 30.09.2011. godine.

Prioritet u čišćenju snijega sa lokalnih puteva dat je putevima na kojima se odvija javni linijski prevoz putnika (autobusni prevoz) i putevima koji se nalaze u brdskim područjima općine.

Putni pravci su razvrstani u 3 grupe po prioritetima:

Prva grupa prioriteta obuhvata 10 najvažnijih lokalnih puteva, na kojima se odvija javni autobusni saobraćaj, na području općine.

Druga grupa prioriteta obuhvata 11 važnijih lokalnih puteva.

Treća grupa prioriteta obuhvata sve ostale nekategorisane puteve na području općine.

Na zimskom održavanju gradskih ulica, nekategorisanih puteva i centara MZ, angažovat će se, pored mehanizacije JP „Komunalac“-a i mehanizacije OSCZ i mehanizacija građana, koja je pogodna za ove poslove.

U slučaju obilnijih snježnih padavina i formiranja visokog snježnog pokrivača izvršit će se, u slučaju proglašenja stanja prirodne nesreće, mobilizacija svih raspoloživih MTS i ljudskih potencijala pravnih subjekata i građana.

JP „Komunalac“ Kalesija i OSCZ ne raspolažu dovoljnim MTS, drugom opremom niti finansijskim sredstvima za predviđeni nivo poslova u okviru zimskog održavanja lokalnih puteva i gradskih ulica.

Preko sredstava javnog informisanja, OSCZ će redovno upućivati apele građanima i drugim subjektima o potrebi ispunjavanja zakonske obaveze uklanjanja snijega i leda sa trotoara i prilaza važnijim javnim i drugim objektima.

Općina Kladanj

U okviru priprema za zimsko održavanje lokalnih i drugih nekategorisanih puteva i gradskih ulica, za sezonu 2011./2012. godina, Općina Kladanj je nakon provedene kompletne procedure raspisivanja i prikupljanja ponuda, izvršila odabir najpovoljnijeg izvođača za pomenute radove.

Za izvođača radova izabrana je firma doo“ Hizo Gradnja“ Kladanj, sa kojom je potpisan Ugovor. Navedena firma je i ranijih godina vršila održavanje lokalnih puteva, u zimskom periodu, tako da je u potpunosti opremljena potrebnom mehanizacijom i raspoloživim ljudskim potencijalima.

U prvi prioritet zimskog održavanja uključeno je 9 lokalnih puteva (ukupna dužina 31,65 km), u 5 MZ, a u drugi prioritet uključeni su svi ostali lokalni i nekategorisani putevi.

OSCZ će se uključiti, zajedno sa svim strukturama civilne zaštite, u slučaju obilnijih snježnih padavina, u sve organizacione poslove u vezi održavanja, posebno lokalnih nekategorisanih puteva.

Preko općinskih sredstava javnog informisanja bit će upućen apel građanima i svim pravnim subjektima o potrebi izvršavanja zakonske obaveze uklanjanja snijega i leda sa prilaza stambenim, poslovnim i svim važnijim javnim objektima.

Općina Lukavac

Općina Lukavac je, u skladu sa članom 15. Odluke o komunalnim djelatnostima općine Lukavac, koju je usvojilo Općinsko vijeće dana 31.12.2007. godine i Programom održavanja čistoće i javnih površina za 2011. godinu, usvojenim od strane Općinskog vijeća, na sjednici

održanoj 22.12.2010. godine, sklopila Ugovor sa JP "Rad" Lukavac, o obavljanju komunalne djelatnosti-održavanje čistoće i javnih površina u 2011. godini, za period 01.01.2011. do 31.12.2011. godine.

Ugovorom su precizirane obaveze općine i JP «Rad», Lukavac u vezi održavanja čistoće, javnih površina i zimskog održavanja gradskih ulica i lokalnih puteva, u nadležnosti općine u 2011. godini.

Održavanje lokalnih puteva u nadležnosti Općine i gradskih ulica, u zimskom periodu, od 01.01. do 15.04.2012. godine, bit će regulisano Ugovorom sa JP "Rad" Lukavac, o obavljanju komunalne djelatnosti-održavanje čistoće i javnih površina u 2012. godini.

JP «Rad», Lukavac osiguralo je odgovarajuću mehanizaciju, radnu snagu, odgovarajuće količine posipne soli, rizle (4-8 mm), šljake i nafte.

Nadzor nad izvođenjem radova obavljat će Služba za komunalno-stambene poslove, boračko-invalidsku zaštitu i raseljena lica općine Lukavac.

U slučaju većih snježnih padavina na uklanjanju snijega angažovat će se pripadnici struktura civilne zaštite i građani, sa odgovarajućom mehanizacijom, u skladu sa odgovarajućim zakonskim obavezama građana i pravnih subjekata.

Općina Sapna

Na području općine Sapna izvršene su, od strane nadležnih Općinskih subjekata, pripreme za održavanje puteva u zimskom periodu, koji su u nadležnosti općine.

Općinska služba za prostorno uređenje, geodetske, imovinsko-pravne poslove, poduzetništvo i finansije, koja je nadležna za organizaciju aktivnosti u vezi zimskog održavanja puteva, uradila je planirane poslove.

Općina Sapna je za održavanje ulica, te lokalnih i drugih nekategorisanih puteva, u zimskom periodu, za sezonu 2011./2012. godina, kao najpovoljnijeg ponuđača izabrala firme: d.o.o. „Fontana“ Sapna i d.o.o. „Eniks-Neri“, Sapna.

Nadležna općinska služba će, u slučaju potrebe, pozvati građane i druge pravne subjekte, preko sredstava informisanja, na izvršavanje zakonske obaveze ukljanjanja snijega sa saobraćajnih površina, trotoara i prilaza stambenim, poslovnim, javnim i drugim važnijim objektima.

Općina Srebrenik

Odlukom o komunalnom redu koju je donijelo Općinsko vijeće Srebrenik, za poslove održavanja gradskih ulica, lokalnih i drugih nekategorisanih puteva koji su u nadležnosti općine, u zimskom periodu, zaduženo je, kao i predhodnih godina, firma JP „9. Septembar“ d.d.

Aktivnosti se odnose na period od 15.11.2011. do 15.03.2012 godine.

Održavanje navedenih puteva u zimskom periodu obuhvata slijedeće poslove:

Čišćenje snijega i leda sa kolovoza, trotoara, parking prostora, taksi i autobuskih stajališta (osim gradske autobusne stanice) i ostalih javnih površina; sprječavanje klizanja zbog poledice; nabavka, preuzimanje i deponovanje abrazivnog materijala za sprječavanje klizavosti; deponovanje posipnog materijala na proširenjima uz kolovoze i na usponima puteva; uklanjanje ledenica i nanosa snijega sa krovova objekata u javnoj upotrebi; informisanje javnosti o stanju na putevima i drugi neophodni poslovi kojima se osigurava stalan, nesmetan i siguran promet na putevima.

Firma JP „9 Septembar“ dd sačinila je Program rada i Operativni plan održavanja gradskih ulica i lokalnih i drugih nekategorisanih puteva, na području općine, u zimskom periodu, na koji je data suglasnost od strane nadležnog Općinskog organa.

Operativnim planom zimskog održavanja puteva svi putevi su svrstani u 3 kategorije prioriteta.

Prva kategorija prioriteta:

Čišćenje snijega sa ulica i trotoara u gradu Srebreniku kao i u prigradskim naseljima (Kiseljak, Rapatnica, Čehaje i Babunovići).

Posipanje soli i abrazivnog materijala po kolovozima kada su temperature ispod 0°C.

Čišćenje snijega sa parking prostora i ispred javnih ustanova.

Druga kategorija prioriteta:

Svih 12 kategorisanih lokalnih puteva u MZ, kojima saobraćaju autobusi.

Ostali kategorisani putevi održavaju se angažovanjem kooperanata u svojstvu fizičkih i pravnih lica.

Treća kategorija prioriteta:

Svi nekategorisani putevi, u svim mjesnim područjima, koji se održavaju angažovanjem kooperanata (fizička lica sa svojom mehanizacijom).

JKP „9 Septembar“, D.D. Srebrenik i njegovi kooperanti raspolažu sa odgovarajućom mehanizacijom i MTS-om za zimsko održavanje puteva.

OSCZ i druge strukture civilne zaštite će, u slučaju obilnijih i dugotrajnijih snježnih padavina, organizovati akcije u kojima će građani učestvovati u uklanjanju snijega sa lokalnih i drugih nekategorisanih puteva.

Građani i pravni subjekti bit će obaviješteni, preko sredstava informisanja, o njihovoj zakonskoj obavezi uklanjanja snijega i leda sa trotoara i prilaza stambenim objektima, kao i sa prilaza školskim, zdravstvenim, privrednim i drugim važnijim ustanovama i institucijama na području općine.

Općina Teočak

Općinska Služba za privredu, finansije, prostorno uređenje i civilnu zaštitu, sačinila je Plan i Program održavanja puteva u zimskom periodu, na području općine Teočak, za sezonu 2011./2012. godina, u kome je data specifikacija ukupno 37 lokalnih i drugih nekategorisanih puteva ukupne dužine 30,62 km (asfaltni-25,98 km i makadamski putevi-4,63 km).

Navedeni Plan i Program održavanje puteva, usvojilo je Općinsko vijeće na sjednici održanoj 03.11.2011. godine.

Održavanje navedenih lokalnih i nekategorisanih puteva, u zimskom periodu, povjereno je mjesnim zajednicama koje su obavezne da potpišu Ugovor o održavanju puteva na svom području, sa najpovoljnijim ponuđačem, koji ispunjava određene uslove, a finansijska sredstva za ove poslove osigurati će Općina.

Glavni lokalni-asfaltni put kroz središte općine i dionicu regionalnog asfaltnog puta, ukupne dužine 12,70 KM, održavat će, u zimskom periodu, najpovoljniji ponuđač, kojeg odabere Kantonalna direkcija za ceste, nakon provedene tenderske procedure.

Nadležna općinska služba vršit će nadzor primjene usvojenog Plana i Programa održavanja puteva, odnosno održavanju prohodnosti svih puteva u nadležnosti općine, u zimskom periodu.

OSCZ i druge strukture civilne zaštite će, u slučaju obilnijih i dugotrajnijih snježnih padavina, organizovati akcije u kojima će građani učestvovati u uklanjanju snijega sa lokalnih i drugih nekategorisanih puteva.

Građani i pravni subjekti bit će obaviješteni, preko sredstava informisanja, o njihovoj zakonskoj obavezi uklanjanja snijega i leda sa trotoara i prilaza stambenim objektima, kao i sa prilaza školskim, zdravstvenim, privrednim i drugim važnijim ustanovama i institucijama na području općine.

Općina Tuzla

Općinska služba za komunalne poslove, izradila je Općinski Program održavanja puteva i javnih površina u zimskom periodu, na osnovu kojeg se održavanje gradskih ulica, lokalnih puteva i drugih nekategorisanih puteva, na području općine, dodjeljuje preduzeću JKP "Komunalac" Tuzla.

JKP «Komunalac» Tuzla, koje u svom sastavu ima radnu jedinicu „Higijena grada i zimska služba“, sačinilo je „Program održavanja javno-prometnih površina na području općine“, u zimskom periodu, za sezonu 2011.-2012. godina, u kome su specificirani konkretni poslovi.

Gradske ulice i lokalni putevi svrstani su u 3 grupe prioriteta za zimsko održavanje, a određene su i 2 grupe prioriteta za čišćenje snijega i leda sa trotoara, javnih stepeništa i pješačkih mostova.

Na osnovu Odluke o komunalnom redu općine Tuzla, građani, kućni savjeti, preduzeća i druga pravna lica su dužni da doprinose održavanju i čišćenju snijega i leda oko objekata koje koriste.

JKP «Komunalac» Tuzla raspolaže sa 7 vozila i uređaja za zimsko održavanje javno-prometnih površina, neophodnom radnom snagom, pogonskim gorivom i posipnim materijalom za ove poslove.

Nadzor nad izvršenjem navedenih aktivnosti vršit će Služba za inspekcijske poslove Općine Tuzla.

OSCZ će preko preko povjereničkih odbora u MZ pratiti stanje na terenu i prema potrebi preduzimati neophodne mjere na angažovanju struktura civilne zaštite i službi zaštite i spašavanja, kao i građana, na uklanjanju snijega i leda sa trotoara i prilaza stambenim i poslovnim objektima, u skladu sa zakonskom obavezom građana da obavljaju navedene poslove.

Općina Živinice

Općinsko vijeće Živinice, na sjednici održanoj dana 29.09.2011. godine, usvojilo je Program organizovanja zimske sužbe u gradu, za sezonu 2011./2012. godina, kojim su obuhvaćene sve gradske i prigradske ulice, lokalni i nekategorisani putevi u MZ, u kojima se odvija saobraćaj u javnom prevozu, te saobraćajnice koje spajaju više MZ i koje su povezane sa regionalnim i magistralnim putevima.

Za zimsko održavanje gradskih i prigradskih ulica (Sjever 1, Sjever 2, naselje Jezero, Ciljuge 2, Litva, put prema gradskom groblju, ulica ORB i naselje Strašanj), zadužena je firma d.d. "Komunalno", Živinice, dok su za održavanje puteva u mjesnim zajednicama odabrane firme: doo "Holex" Živinice, doo "HiH" Živinice i doo "Se-Sarajka" Živinice.

OSCZ je izvršila sve neophodne pripreme sa Savjetima MZ, komandantima štabova civilne zaštite u MZ i sa povjerenicima civilne zaštite u MZ, kako bi se spremno dočekale obilnije snježne padavine.

Također, će biti upućen apel, preko sredstava informisanja, građanima i pravnim subjektima o potrebi ispunjavanja njihove zakonske obaveze uklanjanja snijega sa trotoara i prilaza stambenim, poslovnim, zdravstvenim, školskim i drugim važnijim javnim objektima.

1. Regionalni putevi

Direkcija cesta Tuzla je, u okviru svojih redovnih aktivnosti, u skladu sa zakonskim propisima, poduzela neophodne korake i potpisala ugovore sa izvođačima radova za zimsko održavanje regionalnih puteva, na području TK, u sezoni 2011./2012. godina. (Tabela 1.)

Redni broj	Broj puta	Putna dionica	Izvođač radova
1	R-455a	Zelenika-Bašigovci-Živinice-Svatovac	Rial šped doo Doboj Istok
2	R-456	Sapna-Goduš-Zavid-Rastošnica-Priboj	DOO "Izgradnja" Teočak
3		Priboj-Teočak	DOO "Izgradnja" Teočak
4	R-458	Čelić-Pukiš	DOO "Arapovac putevi" Čelić
5	R-459	Jarići-Šibošnica (RS) i Lukavica (RS)-Brnjik	DOO "Arapovac putevi" Čelić
6	L	Zovik-Humka-Vražići Brnjik	DOO "Arapovac putevi" Čelić
7	R-456	Šibošnica-Humci-Jasenice-Previle	DOO "Arapovac putevi" Čelić
8	R-460	Gračanica-Bukva-Doborovci-Srnice	DOO "Roding" Gračanica
9	-	Klokotnica-Lukavica-Kapetani	DOO "Roding" Gračanica
10	R-461	Bukva-Srebrenik	DOO "Transport i mehanizacija" Gračanica
11	R-461 a	Srebrenik-Orahovica Donja	DOO "Transport i mehanizacija" Gračanica
12	R-462	Slatina (gr.F.)-Gradačac-Ormanica	DOO "Balegem" Gradačac
13	R-463	Gradačac-Tramošnica (gr.F.)	DOO "Balegem" Gradačac
14	R-465 a	Kerep-Zelinja	DOO "Balegem" Gradačac
15	R-469	Živinice-Dubrave-Međaš	Rial šped doo Doboj Istok
16		Dubrave-Tuzla	Rial šped doo Doboj Istok
17	R-469	Ribnica-Banovići-Živinice	Rial šped doo Doboj Istok
18	R-471	Banovići-Vijenac-Lukavac	DOO "Reweus" Lukavac
19	R-458	Simin Han-G. Tuzla-Površnice	Jata group doo Srebrenik
	R-459	Tuzla-Dokanj-Jarići	Jata group doo Srebrenik
20	L	Kalesija-Mededa-Sapna	DOO „Reweus“ Lukavac

Tabela 1. Pregled reg. puteva i izvođača radova, za zimsko održavanje u sezoni 2011/2012. god.

Pripremljenost preduzeća za poslove održavanja regionalnih puteva, u zimskom periodu, cijenjena je u postupku ispitivanja podobnosti najpovoljnijeg izvođača radova. Svakom izvođaču je određen broj garnitura sa kojima treba da raspolaže za čišćenje snijega i spreječavanje stvaranja poledice na kolovozu. Jedna garnitura sadrži čistač snijega i opremu za posipanje solju, a ista pokriva oko 30 km puta.

2. Magistralni putevi

J.P. Direkcija cesta Federacije BiH, ugovorila je redovno održavanje magistralnih cesta u zimskom periodu, na području TK, sa važnošću od 15.11.2011. do 15.03.2012. godine, sa izvođačem radova:

Sa firmom «Jata Group» doo Srebrenik, ugovoreno je održavanje magistralnih cesta:

M –1.8	Gr.Distrikta – Šićki Brod.....	46,14 km
M –4	D.Orahovica - Šićki Brod	25,79 km
M- 14.1	Gr. Entit.-Gradačac-Pelagićevo- Gr.entit.....	11,95 km
M- 4	Simin Han - Kalesija-Memići-Gr.entiteta	22,93 km
M- 18	Simin Han – Banj brdo (gr. entiteta)	14,32 km

U k u p n o **121,14 km**

Sa firmama: «Jata Group» doo Srebrenik i HiH Živinice, J.P Direkcija cesta FBiH, zaključila je Ugovor o redovnom i zimskom održavanju magistralnih cesta, na području TK:

M – 4	Šićki Brod – Simin Han (prolaz kroz Tuzlu)....	14,05 km
M – 18	Šićki Brod – Kladanj – Olovo	66,30 km
M – 19,2	Kladanj (Vitalj) – Vlasenica (gr. entiteta)	11,66 km

U k u p n o **92,02 km**

Sa firmom "Dobojputevi" Doboj Jug, ugovoreno je održavanje ceste:

M -4	Stanić Rijeka (gr.entiteta)- D.Orahovica	38,26 km
------	--	-----------------

Održavanje navedenih puteva vršiće se sa 5 punktova: Matuzići, Potpeć, Bukinje, Kladanj i Kalesija. Za sve navedene puteve previđeno je angažovanje 9 kamiona sa plugom i posipačicom, 3 utovarivača, 4 grejdera i 5 ophodara.

Nabavku i isporuku planiranih količina soli (NaCl), kalcijevog hlorida (CaCl₂) i kamene sitnježi 4/8 mm, nabavit će JP Federalna direkcija cesta i isporučiti izvođačima radova na zimskom održavanju cesta.

U skladu sa sporazumom općine Tuzla i Direkcije cesta FBiH, Sarajevo, održavanje ceste M-4, na relaciji SKC „Mejdan“- Hotel “Tuzla“-Ši Selo-Brčanska Malta, u dužini od 3,6 km, čitavom širinom ceste, u obavezi je općine Tuzla, odnosno izvođača radova sa kojim je općina Tuzla dogovori održavanje ovog dijela ceste.

Z a k l j u č c i

1. Pripremljenost i način organiziranja za zimsko održavanje puteva, koji su u nadležnosti općina (gradske ulice, lokalni i drugi nekategorisani putevi) različiti su, od općine do općine, ali se može konstatovati da su preduzete neophodne mjere da se najvažniji poslovi, u vezi sa zimskim održavanjem puteva, obave što efikasnije.

Izvršena je priprema svih raspoloživih materijalno-tehničkih sredstava (MTS-a) u MZ, kao i svih drugih subjekata u općinama, koji raspolažu odgovarajućom mehanizacijom za zimsko održavanje puteva, u skladu sa općinskim planovima zaštite i spašavanja od prirodnih i drugih nesreća i općinskim odlukama o komunalnom redu.

2. Direkcija cesta Tuzla završila je na vrijeme potpisivanje ugovora sa firmama koje su ponudile najpovoljnije uslove za izvođenje radova na zimskom održavanju 20 regionalnih puteva, na području TK. Odabrane su firme koje raspolažu sa odgovarajućom mehanizacijom, posipnim materijalom za puteve i drugim sredstvima za ove poslove.

3. Direkcija cesta Federacije BiH na vrijeme je sklopila ugovore za zimsko održavanje 9 magistralnih puteva na području TK, sa 3 firme koje raspolažu sa odgovarajućom mehanizacijom i drugim sredstvima za navedene poslove, kao što je posipni materijal za puteve i drugo.

4. Ako poslovi budu obavljani u skladu sa ugovorenim obavezama, uz maksimalno angažovanje odabranih firmi na zimskom održavanju puteva, u uslovima normalnog intenziteta snježnih padavina, neće biti većih problema u odvijanju saobraćaja na lokalnim, regionalnim i magistralnim putevima, na području TK, u zimskom periodu.

5. U slučaju izuzetno obilnih snježnih padavina, kada redovne snage nisu u stanju održavati normalnu prohodnost lokalnih puteva, gradskih ulica, te regionalnih i magistralnih puteva i kada prijete opasnost od ozbiljnog ugrožavanja normalnog odvijanja saobraćaja i ugrožavanja normalnog rada institucija od značaja za život i rad građana, na ugroženom području će se, u skladu sa zakonskom procedurom, proglašiti stanje prirodne nesreće uslijed snježnih padavina.

U takvoj situaciji Općinski štabovi civilne zaštite će izvršiti, u skladu sa zakonskim ovlaštenjima, mobilizaciju svih raspoloživih ljudskih i materijalnih snaga koje će biti angažovane na uklanjanju snijega sa važnijih saobraćajnica i drugih lokacija od značaja za normalno odvijanje rada i života građana.

Općinske službe civilne zaštite su izvršile odgovarajuće pripreme za angažovanje pripadnika struktura civilne zaštite i građana u MZ, u slučaju proglašenja stanje prirodne nesreće uslijed snježnih padavina.

Direktor

Mr. sci. Zdenko Tadić